

რუსეთის ნათლობის დღესასწაულზე უწმინდესმა პატრიარქმა კირილემ ლიტურგია აღავლინა მოსკოვის კრემლის მიძინების საკათედრო ტაძარში



სსკგ-ის კომუნიკაციის სამსახური, 29.07.2026. 2026 წლის 28 ივლისს, წმინდა მოციქულთასწორი დიდი მთავრის, ვლადიმერის ხსენების დღეს, რუსეთის ნათლობის საეკლესიო და სახელმწიფო დღესასწაულზე, მოსკოვისა და სრულიად რუსეთის უწმინდესმა პატრიარქმა კირილემ საღვთო ლიტურგია აღავლინა მოსკოვის კრემლის საპატრიარქო მიძინების საკათედრო ტაძარში.

პატრიარქის პრეს-სამსახურის ცნობით, ქრისტეს მაცხოვრის საკათედრო ტაძრიდან მიძინების ტაძარში ლუსკუმით მიაბრძანეს წმინდა მოციქულთასწორი დიდი მთავრის, ვლადიმერის წმინდა ნაწილაკი. ტაძარში სინმინდეს დასვენებულ იქნა სამეფო კარის მარჯვნივ.

რუსეთის მართლმადიდებელი ეკლესიის ეპისკოპოსთა კრებამ, რომელიც 2008 წლის 24-29 ივნისს გაიმართა, დაადგინა, რომ რუსეთის ნათლობის დღის აღსანიშნავად წმინდა ვლადიმერის ხსენების დღეს, 15/28 ივლისს, „ღვთისმსახურება უნდა აღესრულოს დიდი დღესასწაულის წეს-განგებით, და ამით სათანადო პატივი მიეგოს რუსეთის ნათლისმცემელს“.

წირვის დაწყებამდე უწმინდესმა მეუფემ თაყვანი სცა წმინდა მოციქულთასწორის, დიდ მთავარ ვლადიმერის წმინდა ნაწილას.

ლიტურგიაზე მის უწმინდესობას თანამსახურებდნენ: პატრიარქის ადგილმონაცვლე მოსკოვის სამიტროპოლიტოში, კრუტიცისა და კოლომნის მიტროპოლიტი პავლე; მოსკოვის საპატრიარქოს საქმეთა მმართველი, მოსკოვისა და სრულიად რუსეთის პატრიარქის პირველი ვიკარი ქალაქ მოსკოვში, ნოვოსპასკის სტავროპიგიალური მონასტრის წინამძღვარი, ვოსკრესენსკის მიტროპოლიტი გრიგოლი; მონასტრებისა და მონაზვნობის სინოდალური განყოფილების თავმჯდომარე, დონსკოის სტავროპიგიალური მონასტრის წინამძღვარი, კაშირის მიტროპოლიტი თეოგნოსტე; ზვენიგოროდის მიტროპოლიტი არსენი; მოსკოვის საპატრიარქოს ადმინისტრაციული სამდივნოს ხელმძღვანელი, ქ. მოსკოვის ელხოვოვოში ბოგოავლენსკის საკათედრო ტაძრის წინამძღვარი, ოდინცოვოსა და კრასნოგორსკის მთავარეპისკოპოსი თომა; მოსკოვის სამიტროპოლიტოს ეპისკოპოსთა საბჭოს მდივანი, პოდოლსკისა და ლიუბერცის მთავარეპისკოპოსი აქსიი; სინოდალური მისიონერული განყოფილების თავმჯდომარე, ზელენოგრადის მთავარეპისკოპოსი საბა; მოსკოვის საპატრიარქოს საქმეთა მმართველის მოადგილე, პერმისა და კუნგურის ეპისკოპოსი ეგნატე; ვისოცკის სტავროპიგიალური მონასტრის წინამძღვარი, სერაუხოვოს ეპისკოპოსი რომანი; უწმინდესი პატრიარქის კირილეს პირადი მდივანი, რამენის ეპისკოპოსი ალექსი; მოსკოვისა და სრულიად რუსეთის პატრიარქის მდივანი ქ. მოსკოვში, მოსკოვის ცენტრალური საეკლესიო ოლქის კეთილმონესე, პროტოპრესვიტერი ვლადიმერ დივაკოვი; მოსკოვის ქრისტე მაცხოვრის საკათედრო ტაძრის მნათე, დეკანოზი მიხეილ რიაზანცევი; უწმინდესი პატრიარქის მდივანი მოსკოვის ოლქში, დეკანოზი დიონისე კაზანცევი; საეკლესიო საგარეო კავშირების განყოფილების თავმჯდომარის მოადგილე, დეკანოზი იგორ იაკიმჩუკი; სრეტენის სტავროპიგიალური მონასტრის წინამძღვარი, სრეტენის სასულიერო აკადემიის რექტორი, ილუმენი იოანე (ლუდიშჩევი); მოსკოვის ვოსკრესენსკის საეკლესიო ოლქის კეთილმონესე, დეკანოზი ალექსანდრე დასაევი; მოსკოვის დონსკოის საეკლესიო ოლქის კეთილმონესე, დეკანოზი ალექსანდრე ფარკოვეცი; მოსკოვის ზარიადიეში საპატრიარქო მეტოქიონის ტაძრების წინამძღვარი, მოსკოვის კრემლის ტაძრებისა და მიძინების საკათედრო ტაძრის მესაჭურჭლე, დეკანოზი ვიაჩესლავ შესტაკოვი; მსოფლიო რუსეთის სახალხო კრების სამდივნოს ხელმძღვანელი, მოსკოვის სამიტროპოლიტის იურიდიული სამსახურის ხელმძღვანელი, მღვდელი ვასილი ლოსევი; მოსკოვის (საქალაქო) ეპარქიის საეკლესიო ოლქების კეთილმონესენი; დედაქალაქის ტაძრების კლირიკოსები.

ღვთისმსახურებაში მონაწილეობდნენ ანტიოქიის მართლმადიდებელი ეკლესიის მღვდელთმსახურები და მღვდელმსახურები: ფილიპოპოლის მიტროპოლიტი ნიფონტი, ანტიოქიისა და სრულიად აღმოსავლეთის პატრიარქის წარმომადგენელი მოსკოვისა და სრულიად რუსეთის პატრიარქთან; ზაჰლესა და ბაალბექის მიტროპოლიტი ანტონი; ზაჰლეს სამიტროპოლიტოს კლირიკოსი, არქიმანდრიტი იერემია (აზამი); ბალამანდის უნივერსიტეტის წმინდა იოანე დამასკელის სახელობის საღვთისმეტყველო ინსტიტუტის დოცენტი, არქიმანდრიტი ქრიზოსტომოსი (ელ-მეჟერკი); ბალამანდის უნივერსიტეტის სტუდენტები: მღვდელი სილუანე ჯბარა, მღვდელი ათანასე მახული და ბერდიაკონი არსენი (კუსა).

საპატრიარქო მიძინების ტაძარში სადღესასწაულო წირვას ესწრებოდნენ: ეკლესიის საზოგადოებასა და მედიასთან სინოდალური განყოფილების თავმჯდომარე ვ.რ. ლეგოიდა; რუსეთის ფედერაციის ფედერალური კრების სახელმწიფო დუმის ქონების, მიწისა და ქონებრივი ურთიერთობების კომიტეტის თავმჯდომარე ს.ა. გავრილოვი; რუსეთის ფედერაციის ფედერალური კრების სახელმწიფო დუმის დეპუტატი, კრემლში მდებარე საპატრიარქო მიძინების ტაძრის მამასახლისი ნ.იუ. ჩაპლინი; რუსეთის ფედერაციის კულტურის მინისტრის პირველი მოადგილე ს.გ. ობრივალინი; რუსეთის ფედერაციის ფედერალური დაცვის სამსახურის მოსკოვის კრემლის კომენდანტის სამსახურის უფროსი, მოსკოვის კრემლის კომენდანტი ს.ნ. უდოვენკო; რუსეთის ფედერაციის საანგარიშო პალატის აუდიტორი ი.ნ. კაგრამანიანი; მოსკოვის ქალაქის ეროვნული პოლიტიკისა და რეგიონთაშორისი ურთიერთობების დეპარტამენტის ხელმძღვანელი ვ.ი. სუჩკოვი; მსოფლიო რუსეთის ხალხო კრების თავმჯდომარის მოადგილე, სრულიად რუსეთის საზოგადოებრივი მოძრაობის „მართლმადიდებლური რუსეთის“ სამეთვალყურეო საბჭოს თავმჯდომარე მ.მ. ივანოვი; „რუსული ჯვრის“ დახმარების ფონდის ხელმძღვანელი ე.ო. ბლაგოვი; ცენტრალური კაზაკთა ლაშქრის ატამანი ა.ვ. ფადიუხინი; სანქტ-პეტერბურგის პეტრე-პავლეს საკათედრო ტაძრის ქტიტორი, საიუველირო და სამხატვრო სახელოსნო „აპოსტოლის“ დირექტორი ი.ს. ხარკოვი.

ლიტურგიაზე ლოცულობდნენ სტავროპიგიალური მონასტრების ილუმენები და მონაზვნები, პრეზიდენტის პოლკის სამხედრო მოსამსახურეები, ცენტრალური კაზაკთა ლაშქრის კაზაკები, „საპატრიარქოს მოხალისეების“ მოძრაობის წევრები, მოსკოვის ტაძრების მრევლი და მომლოცველები.

ლიტურგიკული საგალობლები შეასრულა მოსკოვის კრემლის საკათედრო ტაძრების ახალგაზრდულმა გუნდმა ა.მ. ხარკოვას ხელმძღვანელობით.

არაბულ ენაზე წაიკითხეს რიგი სავედრებლები და ასამაღლებლები.

მცირე შესვლისას, უწმინდეს პატრიარქ კირილის ბრძანებულებით, რუსეთის მართლმადიდებელი ეკლესიის წმინდა სინოდის 2026 წლის 16 ივლისის განჩინების საფუძველზე (ჟურნალი № 53), პერმისა და კუნგურის ეპისკოპოსი ეგნატე, პერმის სამიტროპოლიტოს მმართველად დადგინებასთან დაკავშირებით, აყვანილ იქნა მიტროპოლიტის ხარისხში.

რუსეთის მართლმადიდებელი ეკლესიის წმინდა სინოდის 2026 წლის 12 მარტის განჩინების საფუძველზე (ჟურნალი № 20), ზაიკონოსპასკის სტავროპიგიალური მონასტრის ადგილმონაცვლის მოვალეობის შემსრულებელი, მღვდელმონაზონი დანიელი (კონსტანტინოვი) აყვანილ იქნა ილუმენის ხარისხში კვერთხის ბოძებით აღნიშნული მონასტრის ადგილმონაცვლედ დამტკიცებასთან დაკავშირებით.

მრჩობლ კვერექსზე აღვლენილ იქნა ვედრება წმინდანის მოსახელე პრეზიდენტის, ვლადიმერ ვლადიმერის ძე პუტინისათვის:

„ჩვენ ვლოცულობთ ჩვენი რუსეთის ქვეყნის პრეზიდენტისთვის, დღევანდელი წმინდანის სახელის მატარებლის, ვლადიმერ ვლადიმერის ძისთვის, რათა მას ზეციდან მიეცეს ძალა და სიბრძნე მმართველობისა და მართლმსაჯულებისთვის, ჩვენი ქვეყნის კეთილად მართვისთვის, მასში მშვიდობისა და კეთილდღეობის დამყარებისთვის, მისი მტრებისა და მოწინააღმდეგეების შეშინებისა და უკუქცევისთვის, და ყველანი შევლალადებთ: ისმინე უფალო და შეგვინყალე.

ასევე ვლოცულობთ, რომ სიკეთითა და წყალობით მოიხილო, უფალო, ჩვენი სამშობლოს მხედრობა და ყველა მისი დამცველი, ვინც კი განსაცდელის ჟამს სულსა თვისსა დებს თავისი მოყვასებისთვის, და მოუვლენე მათ შენი ყოვლადძლიერი შენეგნა, და ამისთვის ვლალადებთ: ისმინე უფალო და შეგვინყალე.

ასევე ვლოცულობთ, რომ შენი სიბრძნის ნათელით გაანათლო გასასტიკებული ხალხი, შენი ერთგულნი კი განამტკიცო ერთსულოვნებასა და ერთობაში. გვედრებით შენ, ყოვლადკეთილო უფალო, კეთილი გვიყავ და შეგვინყალე“.

რუსეთის მართლმადიდებლური ეკლესიის წინამძღვარმა ლოცვა აღავლინა წმინდანის მოსახელე პრეზიდენტისთვის:

„უფალო იესო ქრისტე, ღმერთო ჩვენო, ყოველგვარი მოწყალებისა და სიკეთის ღმერთო, რომლის წყალობა უსაზღვრო არს და კაცთმოყვარება – გამოუკვლეველი უფსკრული! შიშითა და ძრწოლით შევუვრდებით შენს დიდებულებას, ვითარცა უღირსი მონანი, მადლიერნი შენი კეთილქმედებებისთვის ჩვენი ქვეყნის პრეზიდენტის, დღეს თავისი სახელობის აღმნიშვნელ ვლადიმერ ვლადიმერის ძის მიმართ.

შენ, ვითარცა უფალსა, მეუფესა და კეთილისმყოფელსა ჩვენსა, გადიდებთ, გაქებთ, გიგალობთ და განგადიდებთ, და კვლავაც მოწინებით ვემზობით შენ წინაშე და მადლობას შეგწირავთ და მდაბლად ვევედრებით შენსა გამოუთქმელსა და უსაზღვრო წყალობასა.

და როგორც აწ ღირსჰყავ ვედრებათა მონათა შენთა შეწყნარება და მოწყალებით მათი აღსრულება, ეგრეთვე მომავალშიც ღირსჰყავ დღეს პატივდებული ჩვენი ქვეყნის პრეზიდენტი ვლადიმირ ვლადიმერის ძე, რათა წარემატოს შენდამი სიყვარულსა და ერთგულებასა, და ყოველთა სათნოებათა შინა და ღირსიქმნეს შენთა კეთილმოქმედებათა.

ხოლო მის მიერ მართული ჩვენი რუსეთის ქვეყანა იხსენ ყოვლისაგან ბოროტისა, ყოვლისა განსაცდელისა და მტრისა ხილულისა და უხილავისაგან; მიჰმადლე მას მშვიდობა, მყუდროება და კეთილდღეობა, რათა ჩვენ, შენსა დაუსაბამოსა მამასა, და ყოვლადწმიდასა, და სახიერსა, და ერთარსსა სულსა შენსა ერთარსებაში განდიდებულსა ღმერთსა, მარადის მადლობასა შეგწირავდეთ, და სახელსა შენსა ვადიდებდეთ და ვგალობდეთ, მეტყველნი:

დიდება შენდა, ღმერთო, კეთილისმყოფელო ჩვენო, უკუნითი უკუნისამდე. ამინ.

შემდგომ ამისა, უწმინდესმა მეუფემ ლოცვა აღავლინა წმინდა რუსეთისათვის.

ზიარების წინა ქადაგება წარმოთქვა დეკანოზმა ვასილი გელევანმა, მოსკოვის სოკოლნიკებში ყოვლადწმინდა ღვთისმშობლის ხარების ტაძრის კლირიკოსმა.

წირვის დასრულების შემდეგ მისმა უწმინდესობამ მორწმუნეებს საწინამძღვრო ქადაგებით მიმართა.

ტრადიციისამებრ, საღვთო ლიტურგიის დასასრულ გაიმართა ჯვრით მსვლელობა მიძინების საკათედრო ტაძრიდან წმინდა მოციქულთასწორის და დიდი მთავრის, ვლადიმერის ძეგლამდე, ხოლო პარაკლისი ბოროვიცკაიას მოედანზე ჩატარდა. ლუსკუმა, წმინდა მთავარ ვლადიმერის წმინდა ნაწილაკით, ლიტანიობით იქნა მიბრძანებული ბოროვიცკაიას მოედანზე და პარაკლისის შემდეგ მორწმუნეებს საშუალება მიეცათ სინმინდეს მიახლებოდნენ და მთხვევოდნენ.

მოსკოვისა და სრულიად რუსეთის პატრიარქის პრეს-სამსახურის ფოტო